

րէր իսկականն, զնոյն ասէր և Իպրահիմ քեահէայ. զըրեցին յերուսաղէմ՝ զի առաքեսցեն զհրովարտական, այլ ընկալան պատասխանի՝ թէ յղեցաք զամենայնն 'ի Կոստանդինուպօլիս. իսկ զդաշնագիրն Սմարայ տարեալ Եղիազարու 'ի քաղաք անդր, այլ ոչ դարձուցեալ զայն, կորուսեալ եւ կամ յափշտակեալ 'ի ձեռաց նորա: Եւ եղև 'ի սաստկանալ խնդրոյն 'ի Կոստանդինուպօլիս, տեսեալ Հայոց թէ առանց իսկական հրովարտակաց չէ կարելի առնել ինչ, զըրեցին դարձեալ յերուսաղէմ և հանին կրկին սուրհանդակ, զի որքան Թուղրալի հրովարտակ գտանիցի յԱթոռն՝ յղեսցեն անպատճառ, իսկ թղթատարացն հասեալ 'ի Կիրինտիրէ առ Կիպրոսիւ՝ եղեն ծովամոյն: Իսկ Թէոդորոս Պատրիարք տագնապէր եւ տառապէր յետին աղքատութեան և 'ի ներքոյ տոկոսաւոր պարտուց. միայն 'ի չրջանի երկց ամսոց էառ §00 քուսկ, և այն չէր ինչ յագուրդ կեղեքիչ այլազգեաց: Տագնապ գալստեան Կուսակալին. փոփոխութիւն քաղաքապետին: Քանզի Յոյնք և Լատինք միաբանեալ խնդրէին զնախկին քաղաքապետն զԳաւրմ աղա՝ որ հակառակ էր Հայոց. համարձակութիւն Յունաց, նոր հակառակութիւն Լատինաց վասն բաժնի Հայոց 'ի Ս. Յարութեան, զի դրաւեցին նոքա զտեղի սեանն առաջի մեծի դրան, անխոյթ լինեն ազգին վասն գերեզմանի Ս. Աստուածածնի. Յոյնք առաւել վստահութիւն առեալ 'ի Թուլութենէ Հայոց՝ յաւելին անդ կանթեղս և զարդս, և այս ամենայն անբմբերելի ցաւոց ոչ կարելով տոկալ Թէոդորոսի՝ թախճագին սրտիւ գրէր՝ թէ չիք յոյս յայսմ հետէ մնալոյ մեզ աստ՝ զրկիմք 'ի Ժառանգութենէ, և ինքն ջանահնար եղև փախչիլ ծածկարար յերուսաղէմէ, այլ իմացեալ զայն միաբանաց՝ սլահեցին զճանապարհն և կալան զնա, և եղին ուխտ ընդ նմա՝ թէ զկնի գնալոյ աստի Կուսակալին՝ արտ զոր խորհրդ, և այնպէս հանգարտեցուցին զնա: Եւ 'ի վերայ այսր՝ թախանձանք Յակոբ Եպիսկոպոսի եւ Պօղոս վարդապետի, միոյն հրաժարիլ 'ի Փոխանորդութենէ, և երկրորդին՝ հեռանալ 'ի մայրաքաղաքէն (1806):

Ազգայինք Կոստանդինուպօլոյ միւսանդամ զըրեցին առ Թէոդորոս Պատրիարք խնստ բանիւք փութով առա-